

靈寶无量度人上品妙經卷之二十六 六

明體貫氣品

道言昔於太丹天中絳雲凝霄赤光世界受元始度人明體貫氣无量上品元始天尊當說是經而乃謂言吾為天地之祖萬氣之先三寶天尊聲化之後道體分三於太空混黃清虛丹暉廣化大劫生第三元老號太上老君統治玄氣養育人民即吾至道分神傳授大範已經九萬九千九百九十九億妙氣氣分三劫无量度人吾昔於彼已明此道當命太上老君於太丹天中為一切衆生剖析秘密開化天人吾已演化諸天明露道要三才五行陰陽玄極之旨明體貫氣最後分別宜命太上宣示隱微使諸衆生悟道通達作是念已太上老君居太清太極宮大光明殿敬聞教誡徑詣座前稽首再拜長跪默念大聖虛皇元始天尊寶號者三上奏天尊臣奉密旨令升法座為十方天人說明體貫氣妙經謹依詔命誦奉宣揚禮足整衣將說是經周回十過以召十方始當詣座天真大神列聖

高尊上清真人無執衆乘空而來九霞布空玄光內照華蓋飛軒碧落騰輝流雲丹景垂蔭太虛七日七夜清微禹餘大赤三境種民三界無極諸天日月宮府玉垣帝座太微冢陽鬱山玄京丹臺紫閣瑤闕瓊樓皇極飛網洞淵劫仞森然在目無有隔礙衆真侍座太上老君玄坐空浮陽光玉闕寶臺之上說經一遍諸天大聖同時稱善是時一國男女咸悟生之根說經二遍衆惡消除說經三遍萬善集身說經四遍真氣下降灌注心田說經五遍所向皆真玄符正範說經六遍神妙足備克復飛仙說經七遍明體妙元貫氣達用說經八遍九玄七祖上世亡魂眷屬親姻道遠離苦說經九遍玉章破暗靈光燭幽說經十遍一切衆生永斷惡趣冤仇解脫報對休停是時一國是男是女莫不傾心皆受護度咸得長生

空而至說經三遍西方無極无量品制魔大神無執之衆浮空而至說經四遍北方無極无量品藥珠大神無執之衆浮空而至說經五遍東北方無極无量品雲宮大神無執之衆浮空而至說經六遍東南無極无量品變化大神無執之衆浮空而至說經七遍西南無極无量品靈飛大神無執之衆浮空而至說經八遍西北無極无量品三素大神無執之衆浮空而至說經九遍上方無極无量品玉虛大神無執之衆浮空而至說經十遍下方無極无量品離合大神無執之衆浮空而至十過周竟十方無極明體貫氣大神一時同至一國男女傾心歸仰來者駢委最踏數計億量非可為比徧諸天境於是太上老君親見四衆十方圍繞即向北方恭禮玉京大聖元始天尊上清紫霞太上玉宸大道君既畢復座東嚮環顧大衆運道神力移十方天人返邇來者徧天觀聽之儔盡升虛空高可百丈即取碧霓流雲黃縷萬花之帔迎取天人來置座下廣殿四開無執之衆劇如積粟讚

歎禮拜聲震八極太上老君天顏微笑舉五明寶扇撫紅霄金光明之九重告大眾曰道出而為神神化而為氣氣者未有天地陰陽之先真元萬化之祖道之妙感也其氣非色非形非有非無不隸陰陽不屬五行能生能化能成能實為道之神用故剛於金石清於冰玉大於虛空長於上古內凝至精造立混沌下逮萬類此氣為始其謂之氤氳恍惚者氣兆於形端質陶於太素作天地之妙本名曰一氣故有真一玄一太一亦曰玄元始三氣自建植玉京及於泉戶仙聖鬼神人物莫不由之均以道生無有分別高下善惡強弱堅脆以自然付受未常為也洎三界成就神靈攸司君尊臣卑則役造化定隆殺興賢愚立高下則道有至聖之神天有不私之帝三垣星斗八威神官以布其政記人功過生滅無失雖纖芥至柔不得逃遁則先明體以貫其氣如道為無體德為有體照為明體玄為暗體陽為動體陰為靜體正為仙體邪為鬼體體分既定則貫其氣以受其生無體則貫

以浩氣有體則貫以元氣明體則貫以清氣暗體則貫以濁氣動體則貫以龍氣靜體則貫以常氣仙體則貫以靈氣鬼體則貫以異氣明體貫氣區吟有方萬化大定三才之政績用乃成起凌三界高真之業可觀善惡之錄有科福禍之理大明天人鬼神十方億萬之眾化遠教行出離輪轉仙道克登長生無為允合太空太上老君說經都竟眾真監度以授於我當此之時喜慶難言法事粗悉諸天復位候款之間寂無遺響是時天人遇值經法普得濟度全其本年無有中傷傾土歸仰咸行善心明明因明緣明報明感明果明法明教明戒明體言符至道行合天機齊同慈愛異骨成親國安民豐欣樂太平經始出教一國以道預有志心宗奉禮敬皆得度

世

道言太上老君說經中所言並是諸天上帝內名隱韻之音亦是魔王內諱百靈之隱名也非世之常辭上聖已成真人通玄明體真氣貫身能悉其章論之十過神光內耀魔鬼

喪睛儀璘舒華璇璣煥明崇禱斬戮鬼神伏形回屍起死白骨成人至學之士誦之十過則太上遙鑒三府記名秋邪殞首滯爽登升濟度垂死絕而得生所以爾者學士未洞太玄務明體理穢氣不盡高拘人累召制十方威未制天政德可伏御地祇束縛魔靈但却死而已不能更生輕誦此章身則被殃供養尊禮門戶興隆世世昌熾與善因緣萬笑不干神明護門斯經寧妙獨步玉京度人无量為萬道之宗巍巍大範德難可勝

道言凡誦是經十過諸仙齊到體淨心明陰翳消滄氣合神真冥光晰暢億萬祖幽魂苦爽皆即受度上升朱宮格皆九年受化更生得為貴人而好學至經功滿德就皆得神仙飛升金闕遊宴玉京上學之士修誦是經皆即受度飛升南宮以其誠誦通感明體不昧靈氣貫形自然受鍊得詣流火之庭瑩玉光於靈顯納朱文於錦胃也世人受誦氣添生福屍故自斷血流清津腦填素液則延壽長年後皆得作屍解之道魂神暫滅不經地

微即得返形遊行太空此經微妙普度無窮一切天人莫不受慶無量之福生死蒙惠上天所寶不傳下世至士齋金寶効心盟天而傳輕泄漏慢殃及九祖長役鬼官侍經五帝玉童玉女各二十四人營衛神文保護受經者身

道言正月長齋誦誦是經明萬物受生之體仙靈人鬼變化之道皆從太无自然中來依道立體資氣為用以神發知用明為識陰陽水火鍊以成真萬物之體仙靈人鬼其體若同變化所貫之氣各異神通妙密各各不同出沒隱淪彰顯之道互出玄領為上世亡魂斷地速役度上南宮七月長齋誦誦是經明萬物受成之體仙靈人鬼陰息之道皆從靈氣貫質陰火烹鍊依定立堅憑靈為變以清為知以燥稟體月華鍊沐鍊以成真萬物之體仙靈人鬼其體若同變化所貫之氣各異神通冥運各各不同謝緣斷凡幽曠之道互出真領身得神仙諸天書名黃錄白簡削死上生十月長齋誦誦是經明萬物復命之體

仙靈人鬼還元之道皆從玄一得命命以定體太黑貫氣兩半成功依液感生翕粹護養晦以生明以靜為化玄霜碧露鍊以成真萬物之體仙靈人鬼其體若同變化所貫之氣各異神行默察各各不同出離返舉之道互出秘領為國王帝主君臣父子安鎮國祚保天長存世世不絕常為人君安鎮其方民稱太平八節之日誦誦是經八風隱體貫氣八方八景會真泥丸洞明得為九宮真人本命之日誦誦是經兆自明體貫氣入身賢者為聖凡骨為真魂神澄正萬氣長存不經苦惱身有光明三界侍衛五帝同迎萬神朝禮名書上天功滿德就飛升上清

道言行道之日皆當香湯沐浴齋戒入室東向叩齒三十二通上關三十二天心拜三十二過閉目靜思身生青黃白三色雲氣之中內外翕冥東有木玄真人南有炎象真人西有金液真人北有水象真人上有玄妙真人侍衛監觀椰子白鶴羅列左右日月照明洞煥室內項生圓象光映十

方如此分明密呪曰无上玄元太上道君召出臣身中三五功曹左右官使者侍香玉童傳言玉女五帝直符直日香官各三十二人關啓所言今日吉慶長齋齋堂修行至經无量度人願所啓上微徑御无上三十二天元始上帝至尊凡前

引悉三十二過東向誦經天皇真人曰此經神寶君代虛皇說之故亦詣元始上帝授太極元化保生真人為序真人乃為餘天高真道君之臣故亦稱道言元始无量度人上品妙經元始洞玄靈寶本章明體貫氣虛妙上品皇極度人淵微寶曆符應自然混合玉文龍康化真泰洞無垠虛象流形空無眇逸植立萬天鴻濛正氣大朴分源飛騰升降包絡交纏

開明雙景帝一合仙玄虛上宰演妙高濟鬱
 昌啓運聲生神靈是為變化玉極元皇紫霄
 網維晶耀琳琅飛輪持紐數度朱光上清劫
 仍大有黃房後聖廣筵三真化官下治岷丘
 瑤臺閭風端居天京統教十方中有玄元大
 範之靈中有司天變化之君中有徊水儻空
 大神中有大微冲和妙行真人中有鳳臺絳
 闕雌一玉檢曲素大洞高真共明正體无量
 度人今日貴氣諸天臨軒
 東方无極八景神王長生大聖无量度人
 南方无極明光神王長生大聖无量度人
 西方无極制魔神王長生大聖无量度人
 北方无極葉珠神王長生大聖无量度人
 東北无極雲宮神王長生大聖无量度人
 東南无極變化神王長生大聖无量度人
 西南无極靈飛神王長生大聖无量度人
 西北无極三素神王長生大聖无量度人
 上方无極玉虛神王長生大聖无量度人
 下方无極離合神王長生大聖无量度人
 十方虛明正體神王開天貫氣无量大神並

乘流光鳳車瑤華蓋丹輿駭駕神虎猛獸
 斑麟建七真玄鉞三素朱旗前捧洞陽寶印
 後仗招靈信幡太極群仙飛空步虛五佐啓
 途三官翼轅億乘萬騎浮空而來傾光回駕
 監真度生太微玉輔紫宸上皇至陽元老冲
 妙大神總執生符來詣帝庭隨所開化攝召
 萬靈普告三界六極八冥廣震飛圓寒嶽丹
 高方諸靈紐陽谷洞泉通明大劫龍殿成池
 龜城瑤闕浮照星機三元上館天憲九宮二
 十七府簡注元功持握生化考校羅鄴真光
 流布下拔罪魂息役鬼官業報休停冤仇和
 釋隨運長存因緣輪轉上升朱陵永斷貪愛
 牽纏之苦逍遙高空受鍊太霄太霄之天天
 帝觀覺無色之境梵行

東方八天

力欲竟成天 帝祖央微真
 納乾晝登天 帝辨崇至群
 都會秀敷天 帝杏良鳴
 祛非却妄天 帝石完夫
 變正玄明天 帝寂真耕

呂耀疆動天 帝胡顯希明
 極真定瑤天 帝章毗化居
 邀玄召雲天 帝野昌曜虛
 南方八天
 利定究圖天 帝景昌祖名
 韓司主生天 帝萌元評
 玉觀裏會天 帝召靈紀須
 咸樂赭冲天 帝確端由衛
 車揚璿下天 帝度諡路音
 平煥鬱理天 帝氣成專浮
 太皇育嶠天 帝孔蓮生
 藍英佐侯天 帝洞覺靈
 西方八天
 童隨獻妙天 帝圖賓良
 舉玄謝都天 帝仇周九王
 赤震招仙天 帝火提楚基
 標光咸思天 帝環明山師
 亮宗迪玄天 帝召意芽堂
 魁符大建天 帝玉練演論
 空居香樂天 帝越婁浮光

戴梵阿史天

帝隱題部廷

北方八天

東井貫網天

帝北華粗彌

幽華太虛天

帝莊竭杜如

劫刃降和天

帝斗勇慈云

玄方正嶽天

帝籠京麻玦

通霄次皇天

帝玉宮乾每

極張應加天

帝洞神八威

宗回浮化天

帝黃朱景颯

慧擇龍化天

帝謝登溢常

三十二天三十二帝諸天隱諱諸天隱名天

中空洞自然靈章諸天隱韻天中之音天中

之尊天中之神天中大魔天中之靈九華十

品遊宴鬱單生神妙冊高秘京山玄波鼓蕩

運轉天關今日雙輪會合大慶因緣請除故

滯真降玄丹萬惡永消變景飛仙上靈監舉

同升帝軒木曜宣威火曜施政金曜司察水

曜行令土曜四據總持符命句芒玉生尊收

化斂玄冥閉藏祝融流演后土居中執御大

典青靈始老立天開發丹靈真老檢校科格

皓靈皇老主頌殺伐鬱靈玄老布聖澤玄

靈元老坐鎮金闕五老帝尊萬神所歸飛行

三界正統元機持幢仗節遊觀太微位號顯

著教令弘施上天戮邪詔落誅推天皇受詔

收滅魔凶石光交煥烈火流衝炎方攝精醜

伯驅風寒夜雲營清穴陰宮敢容乖變拒遏

高真融蒼大吏明示典刑泉沙苦刃捕逐無

停風刀束送除蕩妖兵百邪歸正皇道長興

簡奏大羅同功紫宸陽輝鳳曆九氣順行普

告十方無量威靈列科定籍三元保寧丹華

大誥分變推遷劫刃崑丘飛霞散煙上開八

極下列九淵風轉圓羅肇生諸天天上天下

混洞沉冥深淙鴻濛玄極無形宏綱大範幽

廓生音赤乘黃方度劫自然元始流布霄輝

上篇金錄簡章八景瓊文攝召眾魔保制天

根正氣騰飛成結清都元和化演鳳真玉書

總秘蕭臺廣運冲虛紫微八會元素珠編陽

景招靈元量飛仙同會太清氣合上玄玄中

玉真太極高皇流泛洞霞吟甯明堂三騫秀

鬱輝耀絳房玉章化氣丹字騰光澄晶永劫

安保延康千和萬合自然成真真中有神三

天大君玉虛上帝黃老先生生長生法師大洞

高尊執符把籙保度天民上居須延遊宴玉

京虛无之内空洞之中下鎮神州五嶽名山

六無相勝回轉天關不得怠縱三華列言皇

道開生无量度人上升八羅運天彌綸九光

至聖相慶因緣妖姦永息正教洪宣通流萬

化列泰三天三天之上各啓生門中歌開明

合體之章貫氣靈篇辭來高真

第一妙無廣化生氣之音

雙明初判

乃闢天關

蕩蕩道境

元始高居

玉剛橫空

輪轉四虛

鬱羅寶臺

深秘籠章

虎山海嶠

開天御圖

上玄降氣

悉受真符

回環八素

飛躍飄浮

上清大洞篇

三十九皇書

道君受法言

絳霧闕清都

帝道既已成

真文當廣敷

普度學仙民

飛神登太无

第二妙有明體成道之章

玄玄太羅天

中有白玉京

瑤闕從太虛

端生虛皇尊 三氣遠蕭臺 天闕列神靈
 大帝執虎符 下召元皇君 群品受真體
 分化遂境生 天魔列玄職 朱攜校北營
 大聖憫淪溺 玄章下太清 元洞布靈慈
 為爾敷真經 願爾進仙業 咸得道果成
 光明照幽夜 苦爽皆超升 永斷相牽結
 冤對悉休停

第三大混貫氣之歌

元始立萬天 正氣青黃白 浮變為高清
 沉化成渾濁 中和有邪正 為人復生物
 欲念弊真元 愛河常涸沒 契道入仙靈
 功圓歸蒂闕 造業墮輪回 隨念沉幽獄
 豈知太空中 三官秉化筆 執我大成權
 九宮標憲格 天堂諸種民 南昌常快樂
 既證玄悟道 豈復有淪沒 受我天寶言

速進長生業

此三界之上飛空之中仙王歌音音參洞章
 誦之百遍名度南宮誦之千遍魔王保迎萬
 編道備飛升太空過度三界位登仙公有聞
 靈音魔王敬形勅制地祇侍衛送迎拔出地

戶五苦八難七租升還永離鬼官魂度朱陵
 受鍊更生是謂無量善度無窮有秘上天文
 諸天共所崇泄便墮地獄禍及七租翁
 道言此二章並是諸天上帝及至靈魔王隱
 秘之音皆是大梵之言非世上常辭明究生

體貫氣隨材天政及民卓無私安天之至公
 考驗於帝王法道以變通隨時以舉用通玄
 聖之隱密非凡俗之可量故謂玄奧難可尋
 詳上天所寶秘於神霄玉清王府東藏寶室
 依科三萬七千年應運下傳若有至人齋金
 實質心依舊格告盟十天然後而付焉

道言夫誦誦此經則凡體成真穢氣清蕩天
 光入心骨有玉津克證靈仙永謝死因萬道
 開通所為者成上順天常日月五星中和人
 氣疾痛無侵下制魔爽百神衛形皆當齊心
 修齋六時行香十遍轉經福德立降消諸不
 祥無量之文普度無窮
 道言夫未學道淺或仙品未克運應滅度身
 經太陰臨過之時同學至人為其行香誦經
 十過以度屍形如法太上明體體變桑金司

命貫氣氣陶玉津魄鍊屍滅九官還靈魂神
 徑上南宮隨其學功計日而得更生轉輪不
 惑使得神仙

道言夫天地運終星宿錯度日月失昏四時
 失度陰陽不調國境有災兵氣時現疫毒流
 行兆民死傷師友命過凡有此災皆業成變
 體德感致氣各有所由道之自然天之政也
 皆當修齋行香誦經夫齋戒誦經功德甚重
 上消天災保鎮帝王下攘毒害以度兆民生
 死受賴其福難勝故曰無量善度天人

道言凡有是經能為天地帝主兆民行是功
 德有災之日殺心修齋燒香誦經十過皆諸
 天記名萬神侍衛右別至人尅得為聖君金
 闕之臣諸天記人功過毫分無失天中魔王
 亦保舉爾身得道者乃當洞明至言也
 諸天中大梵隱語无量者 太極真人誤
 太上明體貫氣靈篇

東方八天
 亨健基圖 偃明命典 句華品懋
 蘭第玄無 利藹忘到 派炎坤謀

建書靈憲 直真帝臺 呼正德銘
越鼎亭茅 詔序邊澤 古同焉誅
敵假宥保 番離潛徂 神岡破網
周慎勤都

南方八天

璚瑤虛攸 麗佃雅秋 孟廊純被
思瀾騫投 勅鎮鬼井 畢參衆休
定斷神磔 賜候印婁 沈鉛洞溢
霞晶散浮 煌爛棲魂 交駟蔚搜
常古疑涵 淨池火求 冶溷感允

生蘇氣彪

西方八天

混契萌動 融衝駿偷 綠羅知大
猛折幸滙 荷穗夷箭 曷領適道
日藥烏丸 文已空洲 眇何呈段
曆江紫泉 響抱親銅 爰構道先
君軀分體 氣列由筵 摩解管佳
釋滋用釜

北方八天

哥陀阿陵 辜胡拯玄 景持太霄

舒靜播連 赤鑣珠秩 巨閱宏遷
符躡雲華 紅誕露翻 關溪東戶
丘府理年 蠱竝統音 滉意逸傳
色凝方確 秘丹董源 韓錄罰爽

道彰碧沿

道言此諸天中大梵隱語无量之音舊文字皆廣長一丈天真皇人昔詣柏林之舍對伏天玄五方率現帝仙唱虛納以火泉鍊之九劫文乃瑩鮮書太極鳳軒玉屏之上金光自生照徹諸天真子佩文世世登仙龍車入門常侍帝前丹書燭之飲以瓊泉百病去身壽等九天昔書其文以為正音有知其音變而通之為道利亨齋而誦之諸天皆遣飛天神王下觀其身書其功勤上奏諸天萬神朝禮地祇侍門大勳魔王保舉上真道備克得遊行三界升入金門此音無所不辟無所不權無所不度無所不成變凡體招靈氣克保升仙天真自然之音也故誦之致飛天下觀上帝遙唱萬神朝禮三界侍軒群杖束首鬼神自亡琳琅振響十方肅清河海靜默山嶽吞

煙島靈震伏招集群仙天無氛穢地無杖塵冥慧洞清大量玄玄也

元始无量度人上品妙經卷之二十六